

欽定四庫全書簡明目錄卷一

經部一

易類

子夏易傳十一卷

舊本題卜子夏撰實後人輾轉依托非其原書然唐宋以來流傳已久今仍錄冠易類之首凡托名之書仍從其所托之時代漢書藝文志例也

謹按唐徐堅初學記以太宗御制升列歷代之前蓋尊尊之大義焦竑國史經籍志朱彝

尊經義考並踵前規臣等編摩四庫初亦恭錄

御定易經通注

欽定四庫全書簡明目錄

經部易類

一

御纂周易折中

御纂周易述義弁冕諸經仰蒙

指示命冠於

國朝著述之首俾尊卑有序而時代不淆

聖度謙沖酌中立憲實為千古之大公謹恪遵

彝訓仍託始於子夏易傳並發凡於此著四庫之通例

焉

### 周易鄭康成注一卷

漢鄭玄撰原本散佚此本乃宋末王應麟采諸書所引裒合而成

前代佚書而後人重編者如有所竄改則從重編之時代如全輯舊文者則仍從原書之時代故此書雖宋人所輯而列於漢代之中後皆仿此